

MREŽA
STUDENATA

NEWS LETTER

JANUAR NEWS BR. 2, 2018



FAKULTET ZA TEHNIČKE
STUDIJE



EDUKACIJSKI FAKULTET



Edukacijski fakultet i Fakultet za tehničke

studije Univerziteta u Travniku osnivaju **KLUB MATEMATIČARA**

Predstavnici Kluba matematičara posjetili **MJEŠOVITU SREDNJU**

ŠKOLU "TRAVNIK" Workshopovi za studente i maturante **MALE TRAJNE**

DOBRE FOTOGRAFIJE Posjeta **MJEŠOVITE SREDNJE ŠKOLE**

"TRAVNIK" Edukacijski fakultet bio domaćin **SEMINARI MINISTARSTVA**
OBRAZOVANJA, NAUKE, KULTURE I SPORTA

Predstavljamo **TIMOVE MREŽE**

Održana **INFORMATIČKA**

RADIONICA



AKTIVNOSTI

REALIZIRANE U JANUARU 2018.

Edukacijski fakultet i Fakultet za tehničke studije Univerziteta u Travniku osnivaju

KLUB MATEMATIČARA

„Matematika je nauka mladih. Drugačije ne može ni biti. Bavljenje matematikom predstavlja takvu gimnastiku uma, da je za nju potrebna sva gipkost i izdržljivost mladosti“.

N. Viner

Matematika je vjerovatno najvažnija prirodna nauka, bez čijeg izučavanja ne bi nastala civilizacija, ali je također i bauk većini djece i predmet s kojim imaju mnogo teškoća u školi. Ako je matematika zaista svuda oko nas, a njeni zakoni jasno vidljivi, zašto nam svima predstavlja toliko problem?

S ciljem da matematiku predstavi na interesantan i zabavan način, a zatim im na ozbiljan i metodičan način otkrije sve njene tajne, Edukacijski fakultet i Fakultet za tehničke studije Univerziteta

PREDSTAVNICI KLUBA MATEMATIČARA

POSJETILI

MJEŠOVITU SREDNJU ŠKOLU TRAVNIK

U želji da što više ljubitelja matematike dobije informaciju o osnivanju, kao i priliku za učešće u Klubu matematičara, predstavnici Kluba organizirali su posjetu Mješovitoj srednjoj školi „Travnik“. Predstavnik Kluba primila je v.d. direktorica MSŠ „Travnik“ - Aida Lončar kojoj je predstavljen plan aktivnosti. Profesorica Lončar je posebno istaknula zadovoljstvo zbog činjenice da će učenici imati priliku da i pored redovne i dodatne nastave u školi, vide kako izgleda održavanje jedne škole matematike u drugoj obrazovnoj ustanovi na nivou priprema za takmičenja i za dalje stručno i pro-



Osnivanje Kluba matematičara

u Travniku osniva **Klub matematičara Univerziteta u Travniku**. Početkom januara održan je i prvi radni sastanak na kojem je asistent Ahmed Palić predstavio okvirni plan aktivnosti Kluba koji je izazvao veliko zadovoljstvo prisutnih.

Poziv za članstvo u Klub matematičara otvoren je svim studentima Univerziteta u Travniku koji vole matematiku i žele biti dio tima koji će imati sasvim novi pristup matematici i prikazati je u mnogo ljepšem svjetlu.



U posjeti Mješovitoj srednjoj školi „Travnik“

fesionalno usavršavanje. Ovom je posjetom otvoren novi prostor za saradnju između Univerziteta u Travniku i Kluba matematičara sa Mješovitom srednjom školom „Travnik“, a uzvratna posjeta fakultetima i Klubu matematičara najavljena je za kraj januara.

POSJETA MJEŠOVITE SREDNJE ŠKOLE "TRAVNIK"



Nakon što su predstavnici Kluba matematičara predstavili ideju o osnivanju kluba direktorici i profesorima MSŠ „Travnik“, 30.01.2018. upriličena je uzvratna posjeta v. d. direktorice MSŠ „Travnik“ Aide Lončar i profesorica matematike - Fatime Bušatlić i Drage Bašić. Delegaciju su primili dekan Edukacijskog fakulteta, prof. dr. Hazim Selimović i menadžerica Odbora za kvalitet Univerziteta u Travniku - doc. dr. Amra Tuzović. Posjetu je koordinirao asistent Ahmed Palić, a sastanku su prisustvovali mentori i članovi Mreže.

Direktorica i profesorice MSŠ „Travnik“ sa oduševljenjem su prihvatile ideju o osnivanju Kluba i istakle sve njegove prednosti te kazale da će, u okviru svojih mogućnosti, dati podršku u njegovoj realizaciji. Pored ideje o osnivanju Kluba, na sastanku se razgovaralo i o drugim oblicima saradnje između naših fakulteta i MSŠ „Travnik“ kojima bi se učenicima i studentima omogućio zajednički rad uz podršku profesora, a u uslovima koje pružaju naši fakulteti.

Edukacijski fakultet bio domaćin

SEMINARI MINISTARSTVA OBRAZOVANJA, NAUKE, KULTURE I SPORTA

Edukacijski fakultet je u januaru bio domaćin četiri seminara u organizaciji Ministarstva obrazovanja, nauke, kulture i sporta SBK. Seminari su organizirani sa ciljem stručnog usavršavanja profesora razredne i predmetne nastave u osnovnim i srednjim školama sa područja SBK, a teme o kojima se govorilo su:

1. „Znanje jezika i znanje o jeziku“
2. „Tradicionalni i savremeni pristup nastavi jezika u višim razredima osnovne škole“
3. „Usmjeravajuće podučavanje – dijaloški pristup“
4. „Primjena geoinformatike u nastavi geografije“

TIMOVI MREŽE

Mreža studenata ima ukupno 10 Timova. Studenti u Mreži mogu imati dva statusa:

- *Mentorski* – ukoliko im je određen mentor
- *Timski* – ukoliko su članovi nekog od Timova.

Koji status će studenti imati isključivo zavisi od angažmana studenata, njihove aktivnosti i želje da se kroz aktivnosti i projekte Mreže nametnu svojim radom i budu izabrani od strane mentora Mreže u jedan od Timova.

U skladu sa svojim interesovanjima i afinitetima studenti se organiziraju u različite Timove. Svaki Tim ima svog *mentorskog člana* i različit broj *timskih članova*, što zavisi od potrebe samog Tima, organizacije kao i sposobnosti svakog Tima da privuče što veći broj članova.


Za prvo predstavljanje ukratko ćemo navesti zadatke svakog tima i imena članova tima koji imaju *mentorski status*.

1. TEACHER TIM – tim koji je nastao iz potrebe projekta TEACHER kojim koordinira Univerzitet u Travniku (Edukacijski fakultet) u ime 11 partnera iz BiH i EU. Univerzitet u Travniku jedini je Univerzitet u Bosni i Hercegovini koji je nosilac jednog ovakvog projekta. Zadatak tima je da promovira vrijednosti projekta TEACHER, prenosi pozitivna iskustva iz prakse koja se stječu učešćem u projektu i da primjenjuje rezultate rada kroz aktivnosti koje su usko povezane sa problematikom projekta TEACHER. Status mentorskog člana ima studentica Šejla Smajić, koja ujedno i predstavlja studente Edukacijskog fakulteta u ovom projektu, a mentorica je mr. Irmela Mujkić. U okviru tima timski status ima još 5 studenata.

2. INCLUSION TIM – tim koji se bavi inkluzijom i razvijanjem modela visokog obrazovanja za inkluzivne potrebe, također nastao iz potrebe projekta INCLUSION u kojem je Edukacijski fakultet partner sa drugim visokoškolskim ustanovama iz BiH i EU. Ovaj tim ima zadatak kreirati vlastite modele koji će inkluzivnim grupama studenata pomoći u ostvarivanju njihovog pravana visoko obrazovanje. Nedžla Kadić ima status mentorskog člana, a mentorica Tima je mr. Maja Đurić.

3. IT TIM - ima zadatak da preko edukacija, kurseva i seminara kod studenata Mreže razvija IT vještine koje su im neophodne kako bi stekli kompetencije sa kojima mogu unaprijediti svoj rad i poboljšati kvalitet izvođenja njihovih zadataka. Ovaj Tim, također, ima zadatak iskoristiti tehnologiju za rješavanje različitih problema sa kojima se studenti susreću u radu i pružati strateška rješenja za našu administraciju, fakultete, osoblje i studente. Cilj je osigurati nesmetano funkcionisanje kompletne IT infrastrukture. U domenu ovog tima je i održavanje web stranica koje djeluju unutar naših fakulteta, kao i održavanje DL sistema. Tehnička smo podrška za sve seminare, predavanja i edukacije koje se održavaju na našim fakultetima. Status mentorskog člana ima student Selver Grabus, a mentor je mr. Aljo Delić.

4. DIZAJN TIM ima zadatak dizajniranje svih materijala koji su rezultati rada Mreže za tim kreiranje newslettera, plakata, letaka, održavanje portala grafx.ba, održavanje grafičke radionice, dizajnersko uređenje članaka i ostalih sadržaja. Ovo je kreativni tim koji nam uljepšava naše okruženje i čini naš rad vizuelno ljepšim i



dopadljivijim. Status mentorskog člana imaju Ermil Horozović, Melisa Zahirović i Emin Pihura, a mentorica Tima je mr. Marija Garić. Ovaj tim ima i timske članove koji razvijaju svoje vještine i stežu kompetencije kako bi mogli odgovoriti izazovima dizajna koji nas okružuje.

5. ING TIM je tim inženjera koji kroz timski rad unapređuju kompetencije inženjera i stežu iskustva u različitim oblastima inženjerstva. Konkretni zadaci ING tima su tehnička priprema sadržaja studentskog časopisa GrafX, poslovi grafičke pripreme i dorade za različite grafičke proizvode, zatim printanje časopisa, plakata i letaka koji su potrebni za aktivnosti na fakultetu, održavanje stranice Techno Science, izrada priručnika predavanja iz oblasti inženjerstva i ostali poslovi koji poziv inženjera čine interesantnim i dinamičnim. Status mentorskog člana ima student Din Drljević, a mentor Tima je mr. Aldin Obućina. U ovom timu nalaze se i studenti koji imaju mentorski status u drugim timovima: Melisa Zahirović i Ermil Horozović. Tim razvija timski rad i u narednom periodu očekuje se uključanje i drugih zainteresiranih studenata u ovaj tim.

6. ISTRAŽIVAČKI TIM usmjeren je na pretraživanje različitih vrsta medija, printanih i elektronskih, u cilju pronalaska potencijalnih projekata na koje bi mogli aplicirati studenti Mreže, a koji u svome radu realiziraju aktivnosti na edukaciji mladih, promociji kulture, sporta i drugih društvenih sadržaja. Mentorski status imaju četiri studenta: Melisa Zahirović, Amna Tuzović, Ermil Horozović i Alem Hamzić (vanjski, stručni član). Mentorica Tima je mr. Amela Bajrić.

7. STRUČNI TIM ima zadatak da svojim aktivnostima obogati stručne sadržaje unutar studijskih programa, kako u nastavnom tako i van-

nastavnom procesu. Kvalitet i osiguranje kvaliteta je primarni cilj ovog tima po kojem Mreža treba biti prepoznatljiva u svim oblastima njenog djelovanja. Zadovoljstvo svih učesnika u realizaciji rada visokoškolske ustanove je ključ uspjeha, a ispitivanje tog zadovoljstva i preventivno djelovanje u cilju unapređenja kvaliteta osnovne su smjernice u radu ovog tima. Status mentorskog člana imaju studenti prema studijskim smjerovima:

- Šejla Smajić – Razredna nastava i Predškolski odgoj
- Nedžla Kadić - Pedagogija i psihologija
- Safija Omerdić – sportski smjerovi
- Maida Mehić – Tekstilno inženjerstvo i dizajn
- Ermil Horozović i Melisa Zahirović – Arhitektura
- Emin Pihura – Grafičko inženjerstvo i dizajn
- Din Drljević – Građevina i ostali smjerovi inženjerstva
- Selver Grabus – Informatika

Mentori Tima su doc. dr. Samir Pačavar i mr. sc. Mirela Abidović. Cilj Tima je da svaki studijski program ima svog predstavnika – studenta u statusu mentorskog člana.

8. KONSULTANTSKI TIM ima zadatak da svim ostalim timovima i njihovim članovima pruži pomoć u radu u obliku usmjerenja, davanja konkretnih uputa, koordiniranja, povezivanja i upućivanja kako bi realizacija zadatka bila što kvalitetnija, sa rezultatima koji će ispuniti očekivanja krajnjih korisnika. Tim ima dva studenta koji imaju mentorski status, a to su: Amna Tuzović i Alem Hamzić (vanjski član). Mentor Tim je mr. sc. Dženan Kos.

9. ORGANIZACIONI TIM kroz timski rad uči studente osnovama organizacije i uspješnog upravljanja poslovima koje obavljaju. Zadatak Tima je učestvovati u organizacijama svih događaja na našim fakultetima (konferencije,

seminari, edukacije, aktivnosti u okviru projekata, posjete, promocije), ali i organizirati aktivnosti unutar Mreže koje timovi trebaju realizirati. Status mentorskog člana ima Safija Omerdić, a mentor je mr. Jasmin Hrnjić. U radu ovog Tima učestvuju i svi studenti koji imaju status mentorskog člana unutar Mreže, a tim će kroz timski rad uključiti što više studenata u realizaciju navedenih aktivnosti koji će imati status timskog člana.

10. PR TIM je tim koji nas predstavlja u javnosti i koji upoznaje javnost sa našim radom. Članovi ovog Tima su naše „oči i uši“ i prozor kroz koji naše aktivnosti gleda spoljni svijet. U ovom timu svi studenti imaju status timskog člana, a kroz svoj rad i zalaganje svaki član individualno ima mogućnost da izbori i mentorski status. Članovi tima su: Erika Hadžimahmutović, Aida Palić, Almedina Čurić, Harisa Đelilbašić, a mentorica Tima je mr. Emina Terzić.

Zadaci PR tima mogu se sagledati kroz nekoliko glavnih usmjerenja, a to su: uspostavljanje dobrih odnosa te razvijanje pozitivne klime među studentima; kontinuirano praćenje aktivnosti na našim fakultetima te upoznavanje interne i eksterne javnosti sa aktivnostima kroz mjesečni Newsletter Mreže studenata i web stranice fakulteta; uspostavljanje kontakata sa institucijama od važnosti za naše aktivnosti, sa medijima, sa potencijalnim

studentima, poslodavcima, asocijacijama alumni i vanjskih korisnika i svih ciljanih grupa sa kojima sarađujemo; promocija vrijednosti našeg rada kroz različite oblike prezentacije s ciljem vidljivosti i prepoznatljivosti.

U svakom narednom broju Newslettera predstaviti ćemo vam timove i njihove članove kroz intervju: Kako je biti član Tima!

Uspješan prvi mjesec rada Mreže

Na sastanku organiziranom 30.01.2018. godine kojem su prisustvovali menadžment fakulteta, predsjednica, mentori i članovi Mreže evaluiran je prvi mjesec rada. Na osnovi svih prezentiranih činjenica, rad je ocijenjen kao vrlo uspješan, a članovi pohvaljeni za svoje zalaganje. Neki od rezultata rada u prvom mjesecu su uspješno realiziran prvi workshop, pokrenuta ideja za osnivanje Kluba matematičara, aktivirana rubrika Mreža na web stranici fakulteta i završene aktivnosti na prvom Newsletteru čije je objavljivanje planirano početkom februara.

Jedan od zaključaka sastanka je da su svi članovi Mreže izuzetno zadovoljni načinom funkcioniranja Mreže i da su kroz rad u timovima puno naučili, a ono što posebno ističu su znanjaj iskustva stečena kroz timski rad.

ODRŽANA INFORMATIČKA RADIONICA

S ciljem edukacije studenata, članova Mreže u oblasti informatike, 24. januara 2018. godine, za studente članove Mreže organizovana je informatička radionica. Istu je održao mr. Aljo Delić, a cilj radionice bio je educirati članove Mreže da samostalno postavljaju sadržaje na web stranicu i na taj način učine vidljivim svoje aktivnosti. Realizacija informatičke radionice još jedna je potvrda aktivnog rada menadžmenta na edukaciji studenata u vannastavnim aktivnostima, a u skladu sa njihovim interesovanjima.



AKTIVNOSTI REALIZIRANE U JANUARU 2018.:

Naziv projekta/ aktivnosti	Datum realizacije	Organizator	Koordinator	Učesnici u realizaciji
Newsletter za decembar	Januar 2018.	PR TIM DTIM	Mr. Emina Terzić, mr. sc. Marija Garić	Članovi PR i DTIMa
Sastanak - Osnivanje „Kluba matematičara“	10.01.2018.	Ahmed Palić	Ahmed Palić	Članovi radne grupe matematičara: Erika Hadžimahmutović Almedina Čurić Harisa Đelilbašić Enisa Đelilbašić Tarik Dervić Suada Adilović
Sastanak Kluba matematičara sa direktoricom MSŠ „Travnik“	16.01.2018.	Klub matematičara	Ahmed Palić	Radna grupa Kluba matematičara
Informatička radionica	24.01.2018.	Menadžment fakulteta	Mr. Aljo Delić	Studenti članovi Mreže
Održavanje prve radionice „Male tajne dobre fotografije“	27.01.2018.	Menadžment fakulteta	Mreža	Studenti EFT i FTS
Uzratna posjeta direktorice i profesorica MSŠ „Travnik“	30.01.2018.	Ahmed Palić	Mreža	Radna grupa Kluba matematičara
Evaluacija prvog mjeseca rada Mreže	30.01.2018.	Doc. dr. Amra Tuzović	Mentori timova	Studenti, članovi mreže
Seminari na Univerzitetu u Travniku Stručno usavršavanje nastavnika	Januar 2018.	Ministarstvo obrazovanja, nauke, kulture i sporta SBK	Ministarstvo obrazovanja, nauke, kulture i sporta SBK	Profesori razredne i predmetne nastave sa područja SBK



Impressum:

Tekst i fotografije: Erika Hadžimahmutović, Aida Palić, Almedina Čurić, Harisa Đelilbašić

DTP: Emin Pihura